

Ֆինանսական հաշվետվություններ Անկախ աուդիտորի եզրակացություն

«Թիմ Վորք» ՍՊԸ

2022 թ. մարտի 3-ից մինչև 2022 թ. դեկտեմբերի 31-ն ընկած
ժամանակաշրջան



Բովանդակություն

Անկախ աուդիտորի եզրակացություն	3
Ֆինանսական վիճակի մասին հաշվետվություն	6
Շահույթի կամ վնասի և այլ համապարփակ ֆինանսական արդյունքի մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10

Անկախ աուդիտորի եզրակացություն

Գրանթ Թորնթոն ՓԲԸ
Երևան Պլազա բիզնես կենտրոն
ՀՀ, ք. Երևան 0015
Գրիգոր Լուսավորչի 9
Հ. + 374 10 50 09 64/61

Grant Thornton CJSC
Yerevan Plaza Business Center
9 Grigor Lusavorich Street,
Yerevan 0015, Republic of Armenia
T + 374 10 50 09 64/61

«Թիմ Վորք» ՍՊԸ-ի բաժնետիրոջը

Կարծիք

Մենք աուդիտի ենք ենթարկել «Թիմ Վորք» ՍՊԸ-ի (Ընկերության) ֆինանսական հաշվետվությունները, որոնք ներառում են 2022թ. դեկտեմբերի 31-ի դրությամբ ֆինանսական վիճակի մասին հաշվետվությունը, ինչպես նաև 2022 թվականի մարտի 3-ից մինչև 2022 թվականի դեկտեմբերի 31-ն ընկած ժամանակաշրջանի շահույթի կամ վնասի և այլ համապարփակ ֆինանսական արդյունքի մասին հաշվետվությունը, սեփական կապիտալում փոփոխությունների մասին հաշվետվությունը և դրամական միջոցների հոսքերի մասին հաշվետվությունը, ինչպես նաև ֆինանսական հաշվետվություններին կից ծանոթագրությունները, ներառյալ հաշվապահական հաշվառման քաղաքականության նշանակալի մասերի վերաբերյալ համառոտագիրը:

Մեր կարծիքով՝ կից ֆինանսական հաշվետվությունները տալիս են Ընկերության՝ 2022թ. դեկտեմբերի 31-ի դրությամբ ֆինանսական վիճակի և 2022 թ. մարտի 3-ից մինչև 2022թ. դեկտեմբերի 31-ն ընկած ժամանակաշրջանի ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմքեր

Մենք աուդիտն անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված «Պրոֆեսիոնալ հաշվապահի էթիկայի կանոնագրքի» (ՀԷՄՍԽ կանոնագիրք) և էթիկայի համապատասխան պահանջների, որոնք կիրառելի են ֆինանսական հաշվետվությունների մեր աուդիտի նկատմամբ Հայաստանի Հանրապետությունում, և կատարել ենք էթիկայի գծով մեր այլ պարտականությունները՝ էթիկայի նշված պահանջների համաձայն: Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:



Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՀՀՄՄ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս ղեկավարությունը պատասխանատու է Հսկերության անընդհատ գործելու կարողությունը գնահատելու համար, համապատասխան դեպքերում անընդհատության հետ կապված հարցերը բացահայտելու և Հսկերության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Հսկերությունը, ընդհատել դրա գործունեությունը կամ, երբ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են Հսկերության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից՝ անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումներ, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազմեն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

Որպես ԱՄՄ-ներին համապատասխան աուդիտի մաս, աուդիտի ողջ ընթացքում մենք կիրառում ենք մասնագիտական դատողություն և պահպանում ենք մասնագիտական կասկածամտություն: Ի լրումն՝

- Որոշակիացնում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության պատճառով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության չարաշահում:
- Ձեռք ենք բերում պատկերացում աուդիտին վերաբերող ներքին հսկողության մասին՝ տվյալ հանգամանքներին համապատասխան աուդիտորական ընթացակարգեր

նախագծելու, այլ ոչ թե Հնկերության ներքին հսկողության արդյունավետության վերաբերյալ կարծիք արտահայտելու համար:

- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև դեկավարության կողմից կատարած հաշվապահական հաշվառման գնահատումների և համապատասխան բացահայտումների ողջամտությունը:
- Եզրահանգումներ ենք կատարում դեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է դեպքերի կամ հանգամանքների հետ կապված էական անորոշություն, որը կարող է նշանակալի կասկած հարուցել Հնկերության անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա դեպքերը կամ իրավիճակները կարող են ստիպել Հնկերությանը դադարեցնել անընդհատության հիմունքի կիրառումը:
- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Կառավարման օդակներում գտնվող անձանց, ի թիվս այլ հարցերի, հաղորդակցում ենք աուդիտորական առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ ներքին հսկողությանը վերաբերող նշանակալի թերությունների մասին:

Արմեն Հովհաննիսյան
Տնօրեն

14 հունիսի 2023թ.

Էմիլ Վասիլյան, FCCA
Առաջադրանքի պատասխանատու



Ֆինանսական վիճակի մասին հաշվետվություն

Հազար դրամ

2022թ.
դեկտեմբերի
31-ի դրությամբ

	Ծանոթ.	
Ակտիվներ		
<i>Ոչ ընթացիկ ակտիվներ</i>		
Հիմնական միջոցներ	4	283,148
Ոչ նյութական ակտիվներ		2,385
Հետաձգված հարկային ակտիվներ	5	44,468
		330,001
<i>Ընթացիկ ակտիվներ</i>		
Պայմանագրային ակտիվներ	6	237,355
Առևտրային և այլ դեբիտորական պարտքեր	7	46,999
Տրված կանխավճարներ	8	98,721
Մնացորդներ բանկերում	9	1,205,814
		1,588,889
Ընդամենը ակտիվներ		1,918,890
Սեփական կապիտալ և պարտավորություններ		
<i>Կապիտալ և պահուստներ</i>	10	
Բաժնետիրական կապիտալ		50
Կուտակված շահույթ		631,003
		631,053
<i>Ընթացիկ պարտավորություններ</i>		
Առևտրային և այլ կրեդիտորական պարտքեր	11	805,905
Կապակցված կողմերից ստացված կանխավճարներ	12	251,824
Ընթացիկ հարկային պարտավորություններ		230,108
		1,287,837
Ընդամենը սեփական կապիտալ և պարտավորություններ		1,918,890

Ֆինանսական հաշվետվությունները հաստատվել են 2023 թ. հունիսի 14-ին՝

Սերգեյ Զոտով

Արմինե Սահակյան

Գործադիր տնօրեն

Հաշվապահական ընկերության
ներկայացուցիչ

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 29-րդ էջերում ներկայացված կից ծանոթագրությունների հետ մեկտեղ:

«Թիմ Վորք» ՍՊԸ

Ֆինանսական հաշվետվություններ

2022թ. մարտի 3-ից մինչև 2022թ. դեկտեմբերի 31-ն ընկած ժամանակաշրջան

Շահույթի կամ վնասի և այլ համապարփակ ֆինանսական արդյունքի մասին հաշվետվություն

Հազար դրամ

2022 թ. մարտի
3-ից մինչև 2022 թ.
դեկտեմբերի 31-ը
ընկած ժամանակա-
կաշրջան

	Ծանոթ.	
<i>Եկամուտ</i>		
Հասույթ	13	8,436,733
Եկամուտ պետական աջակցությունից	14	429,577
Այլ եկամուտ		8,596
<i>Ծախսեր</i>		
Աշխատանքի վարձատրության գծով ծախսեր		(6,810,525)
Աշխատողների ներգրավման գծով ծախսեր		(362,484)
Կորպորատիվ միջոցառումների և թիմբիլդինգի գծով ծախսեր		(336,628)
Վարձակալության գծով ծախսեր		(228,817)
Մնդի հետ կապված ծախսեր		(201,490)
Գրասենյակային և կոմունալ ծախսեր		(131,266)
Մասնագիտական ծառայություններ		(83,072)
Բանկային ծախսեր		(67,678)
Ապահովագրական ծախսեր		(67,666)
Մաշվածության և ամորտիզացիա գծով ծախսեր		(58,762)
Այլ ծախսեր		(44,791)
Գործառնական գործունեությունից շահույթ		481,727
Ֆինանսական եկամուտ		39
Փոխարժեքային տարբերությունից օգուտ		334,877
Շահույթ մինչև հարկումը		816,643
Շահույթահարկի գծով ծախս	15	(185,640)
Ժամանակաշրջանի շահույթ		631,003
Ընդամենը Ժամանակաշրջանի համապարփակ ֆինանսական արդյունք		631,003

Շահույթի կամ վնասի և այլ համապարփակ ֆինանսական արդյունքի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 29-րդ էջերում ներկայացված կից ծանոթագրությունների հետ մեկտեղ:

Սեփական կապիտալում փոփոխությունների մասին հաշվետվություն

Հազար դրամ	Բաժնե- տիրական կապիտալ	Կուտակված շահույթ	Ընդամենը
2022թ. մարտի 3-ի դրությամբ	-	-	-
Ժամանակաշրջանի շահույթ	-	631,003	631,003
Ընդամենը տարվա համապարփակ ֆինանսական արդյունք	-	631,003	631,003
Թողարկված բաժնետիրական կապիտալ	50	-	50
Գործարքներ սեփականատերերի հետ	50	-	50
2022թ. դեկտեմբերի 31-ի դրությամբ	50	631,003	631,053

Սեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 29-րդ էջերում ներկայացված կից ծանոթագրությունների հետ մեկտեղ:

Դրամական միջոցների հոսքերի մասին հաշվետվություն

Հազար դրամ

2022 թ. մարտի
3-ից մինչև 2022 թ.
դեկտեմբերի 31-ը
ընկած ժամանակա-
կաշրջան

Ծանոթ.

Գործառնական գործունեությունից դրամական միջոցների հոսքեր	
Ժամանակաշրջանի շահույթ	816,643
Ճշգրտումներ	
Մաշվածություն և ամորտիզացիա	58,762
Հիմնական միջոցների օտարումից վնաս	2,431
Փոխարժեքային տարբերությունից օգուտ	(334,877)
Գործառնական շահույթ նախքան շրջանառու կապիտալի փոփոխությունները	542,959
Առևտրային և այլ դեբիտորական պարտքերի փոփոխություն	484,651
Պայմանագրային ակտիվների փոփոխություն	(237,355)
Տրված կանխավճարների փոփոխություն	(98,721)
Առևտրային և այլ կրեդիտորական պարտքերի փոփոխություն	795,319
Կապակցված կողմից ստացված կանխավճարի փոփոխություն	251,824
Գործառնական գործունեությունից ստացված զուտ դրամական միջոցներ	1,738,677
Դրամական միջոցների հոսքեր ներդրումային գործունեությունից	
Հիմնական միջոցների ձեռքբերում	(344,249)
Ոչ նյութական ակտիվների ձեռքբերում	(2,477)
Ներդրումային գործունեության համար օգտագործված զուտ դրամական միջոցներ	(346,726)
Բանկերում մնացորդների զուտ աճ	1,391,951
Արտարժույթի փոխարժեքի ազդեցությունը դրամական միջոցների վրա	(186,137)
Բանկերում մնացորդներ ժամանակաշրջանի սկզբում	-
Բանկերում մնացորդներ ժամանակաշրջանի վերջում	1,205,814

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 29-րդ էջերում ներկայացված կից ծանոթագրությունների հետ մեկտեղ:

Ֆինանսական հաշվետվություններին կից ծանոթագրություններ

1 Գործառնությունների բնույթը և ընդհանուր տեղեկատվություն
«Թիմ Վորք» ՍՊԸ-ն (Ընկերություն) հիմնադրվել է 2022թ. մարտի 3-ին, համաձայն Պետական
ռեգիստրի կողմից տրված վկայագրի: Ընկերության բաժնետիրական կապիտալն
ամբողջությամբ պատկանում է օտարերկրյա քաղաքացու:

Ընկերության հիմնական գործունեությունը ծրագրային համակարգերի համար ծրագրային
ապահովման արտադրությունն ու փորձարկումն է, համակարգերի ֆունկցիոնալ և
տեխնիկական կառուցվածքի մանրամասն ուսումնասիրությունը, ինչպես նաև
համակարգերի վերապատրաստման ծրագրերի մշակումը:

Ընկերության աշխատակիցների միջին թվաքանակը 2022թ. կազմել է 205 մարդ:

Ընկերության գտնվելու վայրն է Հայաստանի Հանրապետություն, Երևան, Նորք Մարաշ 0047,
Արմենակ Արմենակյան 92:

Գործարար միջավայր

Հայաստանում իրականացվող քաղաքական և տնտեսական փոփոխությունները, ինչպես
նաև իրավական, հարկային և օրենսդրական համակարգերի զարգացումը շարունակական
բնույթ են կրում: Հայաստանի տնտեսության կայունությունը և զարգացումը մեծապես
կախված է այս փոփոխություններից: Կառավարությունը հաստատել է արդյունավետ
կառավարման իր հանձնառությունը, որը ենթադրում է հակակոռուպցիոն ջանքեր,
թափանցիկություն և հաշվետվողականություն:

Իրավիճակը Հայաստանի Հանրապետությունում էլ ավելի է սրվել Ադրբեջանի
Հանրապետության կողմից սանձազերծված պատերազմի արդյունքում: Չնայած կնքված
զինադադարի համաձայնագրին՝ դեռևս անորոշ են պատերազմի հետևանքները Հայաստանի
տնտեսության վրա թե կարճաժամկետ, և թե երկարաժամկետ առումներով:

2022թ. փետրվարի 24-ին Ուկրաինայում բռնկված հակամարտությունն արագությամբ
ծավալվում է՝ զգալի ազդեցություն թողնելով աշխարհի վրա: ԱՄՆ-ն և եվրոպական
երկրները կոշտ պատժամիջոցներ են կիրառել Ռուսաստանի Դաշնության դեմ: Արևմտյան
երկրները քննարկում են գոյություն ունեցող պատժամիջոցների ընդլայնումը: Ռուսաստանի
Դաշնությունը Հայաստանի Հանրապետության էական առևտրատնտեսական գործընկերն է,
ուստի սույն ֆինանսական հաշվետվությունների ամսաթվի դրությամբ կիրառվող
պատժամիջոցները, ինչպես նաև դրանց ընդարձակումը լուրջ ազդեցություն ունեն
Հայաստանի Հանրապետության ֆինանսական շուկաների և ամբողջ տնտեսության վրա:
Համաշխարհային մակարդակով ավելի խոր պատժամիջոցներ կիրառելը հանգեցնել են
բարձր գնաճի, ֆինանսական շուկաների աճի տեմպի նվազման և որոշակի խաթարման:

Ուկրաինայում բռնկված հակամարտությունը պատճառ դարձավ, որ հազարավոր ռուսներ և
ուկրաինացիներ տեղափոխվեն Հայաստանի Հանրապետություն: Սա վերաբերում է ոչ միայն
անհատներին, այլ նաև ձեռնարկություններին, որոնք հիմնադրվել և իրենց գործունեությունը
ծավալում էին այդ երկրներում: Դա հանգեցրեց հայկական շուկա արտարժույթի ներհոսքի
ավելացմանը, ինչի հետևանքով հայկական դրամը զգալի արժեւորվեց ԱՄՆ դոլարի և եվրոյի
նկատմամբ: Մյուս կողմից, ՀՀ Կենտրոնական բանկը ոչ մի միջոց չձեռնարկեց, որպեսզի
թուլացնի հայկական ազգային արժույթի դիրքերը:

Այս իրադարձությունը զգալի ազդեցություն ունեցավ այն կազմակերպությունների վրա, որոնք ներգրավված էին ապրանքների և ծառայությունների արտահանման, ներառյալ տեղեկատվական և հաղորդակցական տեխնոլոգիաների (S2S) ոլորտում: Հայաստանի կառավարությունը որոշակի միջոցառումներ է ձեռնարկել՝ մեղմելու S2S ոլորտի սուբյեկտների կրած վնասները: Այդ միջոցառումները ներառում էին եկամտային հարկի վերադարձը նման կազմակերպություններին:

Ղեկավարությունը չի ակնկալում, որ ԱՄՆ դուրսի և եվրոյի նկատմամբ հայկական դրամի հետագա արժևորում կլինի: Այնուամենայնիվ, Ուկրաինայում շարունակվող հակամարտությունը կարող է հանգեցնել Հայաստան դեռևս ավելի մեծ արտաթույլի ներհոսքի, ինչը կարող է բացասական ազդեցություն ունենալ Հնկերության ֆինանսական կայունության վրա: Այս ֆինանսական հաշվետվությունները չեն ներառում վերը նշվածի հնարավոր ազդեցությունը:

Վերոնշյալ իրադարձությունները կարող են հետագայում էական ազդեցություն ունենալ Հնկերության ապագա գործունեության և ֆինանսական կայունության վրա, որոնց ամբողջական հետևանքները դժվար է կանխատեսել ներկա պահին: Ապագա տնտեսական և քաղաքական իրավիճակը և վերջիններիս ազդեցությունը Հնկերության գործունեության վրա կարող են տարբերվել Հնկերության ղեկավարության ներկա սպասումներից:

Հնկերության ղեկավարությունը գտնում է, որ իր ընթացիկ իրացվելիության վիճակը բավարար է կայուն գործունեության համար: Հնկերությունը պարբերաբար վերանայում է իր իրացվելիության մակարդակը և, անհրաժեշտության դեպքում, պատրաստ է կիրառել իրացվելիության աջակցության համապատասխան գործիքակազմ:

Տվյալ ֆինանսական հաշվետվությունները չեն արտացոլում վերը նկարագրվածի հնարավոր ապագա ազդեցությունը Հնկերության գործունեության վրա:

2 Պատրաստման հիմքերը

2.1 Համապատասխանություն

Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՄԽ) կողմից: Հաշվետվությունները պատրաստվել են՝ հիմնվելով այն գնահատման վրա, որ Հնկերություն իր գործունեությունն իրականացնում է անընդհատության սկզբունքից ելնելով:

2.2 Չափման հիմքեր

Ֆինանսական հաշվետվությունները պատրաստվել են հաշվեգրման սկզբունքով և սկզբնական արժեքի մեթոդով:

2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Հնկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Հնկերության գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով (եթե այլ բան նշված չէ), քանի որ, ղեկավարության համոզմամբ, այս արժույթն առավել օգտակար է Հնկերության ֆինանսական հաշվետվություններն օգտագործողների համար: Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

2.4 Գնահատումների և դատողությունների կիրառում

ՖՀՄՄ-ներին համապատասխան ֆինանսական հաշվետվությունների պատրաստումը պահանջում է, որպեսզի Ընկերության ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա: Առավել մեծ դատողություն պահանջող և բարդություն ներկայացնող էական ոլորտները, կամ այն ոլորտները, որտեղ ենթադրություններն ու գնահատումներն էական են ֆինանսական հաշվետվությունների համար, բացահայտված են ֆինանսական հաշվետվություններին կից ծանոթագրություն 17-ում: Չնայած ենթադրությունները և դատողությունները շարունակաբար գնահատվում են և հիմնված են ղեկավարության կողմից ներկա ցուցանիշների վերաբերյալ տեղեկացված լինելու վրա, այդ հաշվապահական գնահատականները, որպես կանոն, հազվադեպ են համապատասխանում իրական արդյունքներին:

2.5 Նոր և վերանայված ստանդարտների ընդունում

Ընթացիկ տարում Ընկերությունն ընդունել է իր գործունեության համար կիրառելի և 2022թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (ՀՀՄՄԽ) և ՀՀՄՄԽ-ի Մեկնաբանման կոմիտեի (ՄԿ) կողմից:

Նոր և վերանայված ստանդարտներ և մեկնաբանություններ, որոնք կիրառելի են 2022թ. հունվարի 1-ից և դրանից հետո սկսվող տարեկան ժամանակաշրջանների համար

Նշված փոփոխությունների բնույթը և ազդեցությունը բացահայտված են ստորև:

Ստանդարտ	Ստանդարտի կամ մեկնաբանության անունը
ՖՀՄՄ 3	Հղումներ հայեցակարգային հիմունքներին (ՀՀՄՄ 3 փոփոխություններ)
ՀՀՄՄ 16	Մուտքեր նախքան նախատեսված օգտագործումը (ՀՀՄՄ 16 փոփոխություններ)
ՀՀՄՄ 37	Անբարենպաստ պայմանագրեր. Պայմանագրի կատարման ծախսումներ (ՀՀՄՄ 37 փոփոխություններ)
ՖՀՄՄ 1, ՖՀՄՄ 9, ՀՀՄՄ 41, ՖՀՄՄ 16	2018-2020թ. ՖՀՄՄ-ների տարեկան բարեփոխումներ (ՖՀՄՄ 1, ՖՀՄՄ 9, ՀՀՄՄ 41, ՖՀՄՄ 16 փոփոխություններ)

Ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք դեռևս չեն գործում և նախօրոք չեն ներդրվել Ընկերության կողմից

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (ՀՀՄՄԽ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք սակայն դեռևս չեն գործում և նախօրոք չեն ներդրվել Ընկերության կողմից:

Ղեկավարությունը կանխատեսում է, որ բոլոր կիրառելի հրապարակումները կներդրվեն Ընկերության հաշվապահական հաշվառման քաղաքականությունում սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից:

Ղեկավարության կանխատեսմամբ այս փոփոխությունները էական ազդեցություն չեն ունենա Ընկերության ֆինանսական հաշվետվությունների վրա և ներկայացված են ստորև.

Ստանդարտ	Ստանդարտի կամ մեկնաբանության անունը	Տվյալ ամսաթվին կամ դրանից հետո սկսվող հաշվետու ժամանակաշրջանների համար կիրառելի
ՖՀՄՍ 17	Փոփոխություններ Ապահովագրական պայմանագրերում ՖՀՄՍ 17, ներառյալ ՖՀՄՍ 9-ի կիրառումից ժամանակավոր ազատման երկարաձգումը (ՖՀՄՍ 4 փոփոխություններ)	1 հունվարի 2023թ.
ՀՀՄՍ 12	Մեկ գործարքից առաջացող ակտիվներին և պարտավորություններին վերաբերող հետաձգված հարկ (ՀՀՄՍ 12 փոփոխություններ)	1 հունվարի 2023թ.
ՀՀՄՍ 8	Հաշվապահական հաշվառման գնահատումների սահմանում (ՀՀՄՍ 8 փոփոխություն)	1 հունվարի 2023թ.
ՀՀՄՍ 1	Հաշվապահական հաշվառման քաղաքականության բացահայտում (ՀՀՄՍ 1 և Գործնական կիրառություն 2)	1 հունվարի 2023թ.
ՀՀՄՍ 1	Պարտավորությունների դասակարգումը որպես ընթացիկ կամ ոչ ընթացիկ (ՀՀՄՍ 1 փոփոխություն)	1 հունվարի 2024թ.
ՀՀՄՍ 16	Վարձակալության պարտավորություն Վաճառքի և հետադարձ վարձակալության գործարքի ժամանակ (ՖՀՄՍ 16 փոփոխություն)	1 հունվարի 2024թ.
ՀՀՄՍ 1	Ոչ-ընթացիկ պարտավորություններ պայմանագրերի հետ (ՀՀՄՍ 1 փոփոխություն)	1 հունվարի 2024թ.

3 Հաշվապահական հաշվառման քաղաքականություն

3.1 Ընդհանուր դրույթներ և ՖՀՄՍ-ների առաջին անգամ ընդունումը
Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն, որոնք ուժի մեջ են եղել 2022թ. դեկտեմբերի 31-ին:

Հաշվապահական հաշվառման քաղաքականության մոտեցումները կիրառվել են Ընկերության ստեղծումից ի վեր:

Ստանդարտներն ու մեկնաբանությունները, որոնք հրապարակվել են, բայց դեռևս ուժի մեջ չեն մտել և վաղաժամ չեն ընդունվել Ընկերության կողմից, ներկայացված են ծանոթագրություն 2.5-ում:

Էական հաշվապահական հաշվառման քաղաքականության մոտեցումները, որոնք կիրառվել են ֆինանսական հաշվետվությունները պատրաստելիս, ներկայացված են ստորև:

3.2 Արտարժույթ

Արտարժույթով գործարքներ

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ-ի կողմից հրապարակված փոխարժեքը. 2022թ. դեկտեմբերի 31-ի դրությամբ 1 ԱՄՆ դոլարը կազմում էր 393.57 ՀՀ դրամ, 1 եվրոն՝ 420.06 ՀՀ դրամ:

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում:

3.3 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման, և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի և ակտիվի հաշվեկշռային արժեքի տարբերությամբ և ճանաչվում է շահույթում կամ վնասում:

Հիմնական միջոցի՝ որպես առանձին ակտիվ հաշվառվող միավորի բաղկացուցչի փոխարինման ծախսումները կապիտալացվում են դուրս գրված բաղկացուցչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են շահույթում կամ վնասում՝ կատարվելու ժամանակաշրջանում:

Մաշվածությունը ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

Համակարգչային սարքավորումներ	- 3 տարի
Արտադրատնտեսական գույք	- 1-5 տարի
Այլ	- 1-8 տարի:

3.4 Ոչ նյութական ակտիվներ

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 10 տարի:

3.5 Հիմնական միջոցների և ոչ նյութական ակտիվների արժեզրկում

Անորոշ օգտակար ծառայության ժամկետ ունեցող ակտիվները չեն ամորտիզացվում և յուրաքանչյուր տարի ենթարկվում են արժեզրկման ստուգման: Մաշվող ակտիվներն արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը վաճառքի գույք գնից և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստներն անմիջապես ճանաչվում են որպես ծախս, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորուստը դիտվում է որպես վերագնահատումից արժեքի նվազում:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է որպես եկամուտ, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորստի ցանկացած հակադարձում դիտվում է որպես վերագնահատումից արժեքի աճ:

3.6 Ֆինանսական գործիքներ

Ճանաչում և ապաճանաչում

Ֆինանսական ակտիվները և ֆինանսական պարտավորությունները ճանաչվում են, երբ Ընկերությունը դառնում է ֆինանսական գործիքի պայմանագրային կողմ:

Ֆինանսական ակտիվներն ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ այն ժամանակ, երբ ֆինանսական ակտիվները բոլոր նշանակալից ռիսկերով ու հատուցումներով փոխանցվում են երրորդ կողմին:

Ֆինանսական պարտավորությունները ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվների դասակարգումը և սկզբնական չափումը

Բոլոր ֆինանսական ակտիվները սկզբնապես չափվում են իրական արժեքով՝ գումարած գործարքի հետ կապված ծախսումները, բացառությամբ այն առևտրային դեբիտորական

պարտքերի, որոնք չեն պարունակում էական ֆինանսական բաղադրիչ և չափվում են գործարքի գնով՝ ՖՀՄՄ 15-ի պահանջներին համապատասխան:

Ֆինանսական ակտիվները, բացառությամբ հեջավորման գործիքների բաժանվում են հետևյալ կատեգորիաների.

- ամորտիզացված արժեքով հաշվառվող,
- իրական արժեքով չափվող՝ շահույթի կամ վնասի միջոցով,
- իրական արժեքով չափվող՝ այլ համապարփակ արդյունքի միջոցով:

Դասակարգումը բնորոշվում է հետևյալ երկու պարագայով.

- Ընկերության ֆինանսական ակտիվների կառավարման բիզնես մոդելը,
- Ֆինանսական ակտիվի՝ պայմանագրային դրամական հոսքերի հատկանիշները:

Ընկերության ֆինանսական ակտիվները, ըստ կատեգորիաների ներկայացված են ծանոթագրություն 18.2-ում:

Ֆինանսական ակտիվների հետագա չափումը

Ամորտիզացված արժեքով չափվող ֆինանսական ակտիվներ

Ֆինանսական ակտիվները հաշվառվում են ամորտիզացված արժեքով, եթե ակտիվները բավարարում են հետևյալ պայմաններին (և չեն դասակարգված որպես իրական արժեքով չափվող շահույթի կամ վնասի միջոցով).

- դրանք պահվում են այն բիզնես մոդելի շրջանակներում, որի նպատակն է պահել ֆինանսական ակտիվները և հավաքագրել դրանց հետ կապված պայմանագրային դրամական հոսքերը,
- ֆինանսական ակտիվների պայմանագրային պայմաններն առաջացնում են դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ:

Սկզբնական ճանաչումից հետո այս ակտիվները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Այն դեպքերում, երբ զեղչման ազդեցությունը աննշան է, զեղչում չի կատարվում: Ֆինանսական գործիքների այս կատեգորիայում են դասակարգվում Ընկերության դրամական միջոցները և դրանց համարժեքները, առևտրային դեբիտորական պարտքերը և այլ դեբիտորական պարտքերի մեծամասնությունը:

Ֆինանսական պարտավորությունների դասակարգումը և չափումը

Ընկերության ֆինանսական պարտավորությունները ներառում են առևտրային և այլ կրեդիտորական պարտքերը: Ընկերության ֆինանսական պարտավորությունները, ըստ կատեգորիաների, ներկայացված են ծանոթագրություն 18.2-ում:

Առևտրային և այլ կրեդիտորական պարտքեր

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

3.7 Սեփական կապիտալ

Ընկերության կողմից թողարկվող կապիտալի գործիքները հաշվառվում են անվանական արժեքով:

Բաժնետիրական կապիտալն իրենից ներկայացնում է թողարկված բաժնետոմսերի նումինալ արժեքը:

Կուտակված շահույթը ներառում է ընթացիկ և նախորդ ժամանակաշրջանների չբաշխված շահույթը:

Սեփականատերերի հետ բոլոր գործարքները առանձին-առանձին գրանցված են սեփական կապիտալում:

3.8 Շահութահարկ

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույթաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը: Այսպիսի հետաձգված հարկային ակտիվներն ու պարտավորությունները չեն ճանաչվում, եթե ժամանակավոր տարբերությունն առաջանում է գուղվիլի սկզբնական ճանաչումից կամ այլ ակտիվների և պարտավորությունների սկզբնական ճանաչումից այնպիսի գործարքում, որը գործարքի պահին չի ազդում ո՛չ հաշվապահական շահույթի, ո՛չ էլ հարկվող շահույթի վրա (բացի ձեռնարկատիրական գործունեության միավորումներից):

Հետաձգված հարկային ակտիվներն ու պարտավորությունները չափվում են հարկերի այն դրույքների օգտագործմամբ, որոնց կիրառման մեջ լինելն ակնկալվում է ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում: Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք երևան են գալու կախված այն եղանակից, որով Ընկերությունը հաշվետու ամսաթվի դրությամբ ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

3.9 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

- (ա) աշխատավարձերը և պարգևավճարները,
- (բ) վճարովի տարեկան արձակուրդները և անաշխատունակության հետ կապված վճարովի արձակուրդները,
- (գ) սոցիալական ապահովության մասհանումները և այլ սոցիալական վճարները

Երբ աշխատակիցները հաշվետու ժամանակաշրջանի ընթացքում Ընկերությանը մատուցում են ծառայություններ, Ընկերությունն աշխատակիցների կարճաժամկետ հատուցումների չգեղջված գումարը, որն ակնկալվում է վճարել այդ ծառայությունների դիմաց, ճանաչում է՝

(ա) որպես պարտավորություն (հաշվեգրված ծախս)՝ արդեն վճարված ցանկացած գումար հանելուց հետո: Եթե արդեն վճարված գումարը գերազանցում է հատուցումների չգեղչված գումարը, Ընկերությունը պետք է ճանաչի այդ տարբերությունը որպես ակտիվ (կանխավճարված ծախս)՝ այն չափով, որով կանխավճարը կհանգեցնի ապագա վճարումների կրճատման կամ դրամական միջոցների վերադարձի,

(բ) որպես ծախս, եթե գումարը չի ներառվել այլ ակտիվի արժեքի մեջ:

Վճարովի բացակայություններ

Վճարովի բացակայությունների ձևով աշխատակիցների կարճաժամկետ հատուցումների գծով ակնկալվող ծախսումները ճանաչվում են հետևյալ կերպ.

(ա) կուտակվող վճարովի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքներն ապագա վճարովի բացակայությունների նկատմամբ,

(բ) չկուտակվող վճարովի բացակայությունների դեպքում՝ այն ժամանակ, երբ բացակայությունը տեղի է ունենում:

Պարգևավճարներ

Պարգևավճարների գծով ակնկալվող ծախսումները ճանաչվում են միայն այն ժամանակ, երբ Ընկերությունն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք, և պարտականությունը հնարավոր է արժանահավատորեն գնահատել:

Ներկա պարտականություն գոյություն ունի այն և միայն այն դեպքում, երբ Ընկերությունը վճարում չկատարելու ոչ մի իրատեսական այլընտրանք չունի:

3.10 Հասույթ

Հասույթը ձևավորվում է մատուցված ծառայություններից՝ ծառայությունների մատուցման հետ կապված ընդունելի ծախսերի վրա ֆիքսված տոկոսի ավելացման միջոցով:

Որոշելու համար, թե արդյոք անհրաժեշտ է ճանաչել հասույթ, թե ոչ, Ընկերությունն առաջնորդվում է 5-քայլի գործընթացով.

- 1 Բացահայտել հաճախորդի հետ պայմանագիրը
- 2 Բացահայտել կատարման պարտականությունները
- 3 Որոշել գործարքի զինը
- 4 Բաշխել գործարքի զինը կատարման պարտականությունների միջև
- 5 Ճանաչել հասույթը, երբ կատարման պարտականությունը(ները) բավարարված են

Հասույթը ճանաչվում է կամ ժամանակի մեջ որևէ պահին կամ ժամանակի ընթացքում, երբ Ընկերությունը բավարարում է կատարման իր պարտականությունը՝ հաճախորդին փոխանցելով խոստացված ապրանքը կամ ծառայությունը:

Ընկերությունը ճանաչում է դեռևս չբավարարված կատարման պարտականությունների համար ստացված հատուցման դիմաց պայմանագրային պարտավորությունները և արտացոլում է այդ գումարները ֆինանսական վիճակի մասին հաշվետվությունում որպես հաճախորդներից ստացված կանխավճարներ (տե՛ս ծանոթագրություն 12): Նման ձևով, եթե Ընկերությունը բավարարում է կատարման պարտականությունը մինչև հատուցման ստանալը, Ընկերությունը ֆինանսական վիճակի մասին հաշվետվությունում ճանաչում է կամ պայմանագրային ակտիվ, կամ դեբիտորական պարտք (տե՛ս ծանոթագրություն 6):

կախված նրանից, թե արդյոք հատուցման ժամկետը լրանալուց առաջ անհրաժեշտ է միայն որոշակի ժամանակ, թե այլ լրացուցիչ պայման:

Ծառայությունների մատուցում

Հասույթի հիմնական աղբյուրը կապված է ԱՄՆ-ում գրանցված կապակցված կողմի հետ կնքված ծառայության պայմանագրի հետ, որի շրջանակներում Ընկերությունը արտադրում և փորձարկում է ծրագրեր այլ ծրագրային համակարգերի անվտանգության համար, իրականացնում է տեխնիկական կառուցվածքների մանրակրկիտ ուսումնասիրություն, ինչպես նաև մշակում է վերապատրաստման դասընթացներ այդ համակարգերի համար: Ստացված արդյունքն անմիջապես փոխանցվում է ծառայություն ստացողին սերվերի միջոցով և չի կարող օգտագործվել Ընկերության կողմից այլ նպատակներով: Հետևաբար, հասույթը ճանաչվում է այն ժամանակ, երբ ծառայություն ստացողն ընդունում է փոխանցումը (տես ծանոթագրություն 13):

Կապակցված կողմի կանխավճարները

Կապակցված կողմի հետ կնքված պայմանագրի շրջանակներում յուրաքանչյուր ամսվա սկզբին Ընկերությանը տրամադրվում է դրամական միջոցներ՝ հիմնվելով միջին ամսական կտրվածքով կատարվող ծախսերի նախնական գնահատման վրա: Այս միջոցները ճանաչվում են որպես պարտավորություններ (տե՛ս ծանոթագրություն 12) մինչև պայմանագրով նախատեսված պարտավորությունների կատարումը և ծառայություն ստացողի կողմից դրանց ընդունումը:

4 Հիմնական միջոցներ

Հազար դրամ	Համակարգչային սարքավորումներ	Արտադրատնտեսական գույք	Այլ	Ընդամենը
<i>Սկզբնական արժեք</i>				
2022թ. մարտի 3-ի դրությամբ	-	-	-	-
Ավելացում	180,348	152,613	11,288	344,249
Օտարում	(3,700)	(446)	(153)	(4,299)
2022թ. դեկտեմբերի 31-ի դրությամբ	176,648	152,167	11,135	339,950
<i>Կուտակված մաշվածություն</i>				
2022թ. մարտի 3-ի դրությամբ	-	-	-	-
Տարվա հաշվարկ	29,132	23,300	6,238	58,670
Օտարման հետևանքով դուրսգրում	(1,269)	(446)	(153)	(1,868)
2022թ. դեկտեմբերի 31-ի դրությամբ	27,863	22,854	6,085	56,802
<i>Հաշվեկշռային արժեք</i>				
2022թ. դեկտեմբերի 31-ի դրությամբ	148,785	129,313	5,050	283,148

Մաշվածության գծով ծախսը բաշխվել է շահույթի կամ վնասի և այլ համապարփակ ֆինանսական արդյունքի մասին հաշվետվության «Մաշվածություն և ամորտիզացիայի գծով ծախսեր» հոդվածում:

5 Հետաձգված հարկեր

Հետաձգված հարկերի շարժը ներկայացված է ստորև.

Հազար դրամ	2022թ.
Տարեսկզբի մնացորդ	-
Շահույթում կամ վնասում ճանաչված ծախս (տե՛ս ծանոթագրություն 15)	44,468
Տարեվերջի մնացորդ	44,468

2022 թվականի մարտի 3-ից մինչև 2022 թվականի դեկտեմբերի 31-ն ընկած ժամանակաշրջանի հետաձգված հարկերը խմբավորված են հետևյալ կերպ.

Հազար դրամ	3 մարտի 2022թ.	Շահույթում կամ վնասում ճանաչված	31 դեկտեմբերի 2022թ.
<i>Հետաձգված հարկային ակտիվներ</i>			
Առևտրային և այլ կրեդիտորական պարտքեր	-	44,468	44,468
	-	44,468	44,468
Զուտ արդյունք - հետաձգված հարկային ակտիվներ	-	44,468	44,468

Շահույթում կամ վնասում ճանաչված գումարները վերաբերում են չօգտագործված արձակուրդային օրերի պարտավորությունների գծով կրեդիտորական պարտքերին:

6 Պայմանագրային ակտիվներ

Պայմանագրային ակտիվները իրենցից ներկայացնում են 2022 թվականի դեկտեմբերի 31-ի դրությամբ ճանաչված հասույթը այն փոխհատուցելի ծախսերի գծով, որոնք փաստացի կատարվել են, բայց դեռ չեն ընդունվել ծառայություն ստացողի կողմից հաշվետու ամսաթվի դրությամբ: Այս ակտիվները ճանաչվել են որպես առևտրային դեբիտորական պարտքեր և հաշվեփակվել են կապակցված կողմերից ստացված կանխավճարի հետ 2023 թվականին:

7 Առևտրային և այլ դեբիտորական պարտքեր

Հազար դրամ	2022թ. դեկտեմբերի 31-ի դրությամբ
Պետական բյուջեից դեբիտորական պարտքեր	43,722
Այլ դեբիտորական պարտքեր	3,277
	46,999

Բոլոր գումարները կարճաժամկետ են: Առևտրային դեբիտորական պարտքերի գուտ հաշվեկշռային արժեքը համարվում է իրական արժեքի խելամիտ գնահատում:

Ղեկավարությունը հավաստացած է, որ պետական բյուջեից դեբիտորական պարտքերն ամբողջովին ենթակա են վերականգնման:

Առևտրային և այլ դեբիտորական պարտքերը արտահայտված են դրամով:

8 Տրված կանխավճարներ

Հազար դրամ	2022թ. դեկտեմբերի 31-ի դրությամբ
Վարձավճարի գծով կանխավճար	49,007
Ապահովագրության գծով կանխավճար	43,563
Այլ տրված կանխավճարներ	6,151
	<u>98,721</u>

9 Մնացորդներ բանկերում

Հազար դրամ	2022թ. դեկտեմբերի 31-ի դրությամբ
Բանկային հաշիվներ, ներառյալ՝	
Դրամ	123,452
ԱՄՆ դոլար	1,082,093
Եվրո	269
	<u>1,205,814</u>

10 Կապիտալ և պահուստներ

10.1 Բաժնետիրական կապիտալ

Ընկերությունն ունի սովորական բաժնետոմսերի մեկ դաս, որը հաստատուն եկամտի նկատմամբ իրավունք չունի և ամբողջությամբ պատկանում է օտարերկրյա ռեզիդենտին:

11 Առևտրային և այլ կրեդիտորական պարտքեր

Հազար դրամ	2022թ. դեկտեմբերի 31-ի դրությամբ
Առևտրային կրեդիտորական պարտքեր	293,584
Կրեդիտորական պարտքեր չօգտագործված արձակուրդային օրերի գծով	247,046
Վճարվելիք հարկեր և պարտավորություններ	265,275
	<u>805,905</u>

Ընկերությունն վարում է ֆինանսական ռիսկերի կառավարման քաղաքականություն, որը ապահովում է բոլոր պարտավորությունների ժամանակին կատարում:

Բոլոր առևտրային և այլ կրեդիտորական պարտքերը արտահայտված են դրամով:

12 Կապակցված կողմերից ստացված կանխավճարներ

Այս կանխավճարները ծառայություններ ստացողից ստացված կանխավճարներն են՝ համաձայն ծառայությունների մատուցման պայմանագրով սահմանված դրույթների, որոնք նախատեսված են Հնկերության գործառնական ծախսերը ծածկելու և Հնկերության կողմից ծառայությունների անընդհատ մատակարարման շրջան ապահովելու համար: Հնկերության գնահատմամբ յուրաքանչյուր հաշվետու ամսվա վերջի դրությամբ առկա կանխավճարի մնացորդը պետք է բավարարի հետագա երկու ամիսների համար պլանավորված ծախսերը ծածկելու համար:

13 Հասույթ

2022 թվականի մարտի 3-ից մինչև 2022 թվականի դեկտեմբերի 31-ն ընկած ժամանակաշրջանի համար Հնկերության հասույթը իրենից ներկայացնում է ծախսերի փոխհատուցում գումարած պայմանագրային հավելվածար կապակցված կողմից՝ Հայկական Հաբում մատուցվող պայմանագրային ծառայությունների համար: Համաձայն պայմանագրի դրույթների՝ բոլոր գործառնական ծախսերը հաշվեփակվում են դրանց հետ կապակցված եկամտի հետ և փոխհատուցվում են Հնկերությանը կամ ինքնարժեքով, կամ 7% հավելվածարով՝ կախված ծախսի բնույթից:

Հազար դրամ

2022 թ. մարտի
3-ից մինչև 2022 թ.
դեկտեմբերի 31-ը
ընկած ժամանա-
կաշրջան

Գործառնական ծախսեր՝ ստացված այլ

7,887,328

եկամուտների հետ գուտ

Փոխհատուցվող ծախսերի պայմանագրային
հավելվածար

549,411

Ծառայությունների մատուցումից հասույթ

8,436,733

Հնկերությունն իր հասույթը գրանցում է ամսվա վերջում՝ այդ ամսվա պայմանագրային պարտավորությունը կատարելուց հետո: Հասույթ ձևաչված գումարը սովորաբար հիմնված է հաշվետու ժամանակաշրջանում ապահովված պարտավորության վրա:

Ստորև ներկայացված գործարքային գների համակարգված գումարները վերաբերում են գործող պայմանագրերից առաջացող կատարման պարտականություններին, որոնք 2022թ. դեկտեմբերի 31-ի դրությամբ դեռևս բավարարված չեն:

Հազար դրամ

Ընդամենը

Պայմանագրային ակտիվի դիմաց ձևաչված
հասույթ (տե՛ս ծանոթագրություն 6)

237,355

14 Եկամուտ պետական աջակցությունից

Հաշվետու ժամանակաշրջանում Հայաստանի կառավարությունը որոշակի միջոցներ է ձեռնարկել SS ոլորտում գործող սուբյեկտներին աջակցելու համար: Այդ միջոցառումները ներառում են պետական աջակցություն, որը որոշակի չափանիշների բավարարման դեպքում հաշվարկվում է որպես SS ընկերությունների կողմից արդեն վճարված եկամտային հարկի տոկոս: Հնկերությունը Հայաստանի հարկային մարմիններին է ներկայացրել անհրաժեշտ օրենսդրական փաթեթը և 2022 թ. մարտից մինչև 2022 թ. հոկտեմբեր ընկած ժամանակահատվածում ստացել 429,577 հազար դրամի համապատասխան պետական աջակցություն: Հաշվետու ժամանակաշրջանից հետո Հնկերությունը ներկայացրել է նաև

«Թիմ Կորբ» ՍՊԸ

Ֆինանսական հաշվետվություններ

2022թ. մարտի 3-ից մինչև 2022թ. դեկտեմբերի 31-ն ընկած ժամանակաշրջան 23

հաշվետու ժամանակաշրջանի մնացյալ կիրառելի ժամանակաշրջանի հետ կապված պետական աջակցության հայտ, որը հաստատվել է կառավարության համապատասխան որոշմամբ 2023թ.:

15 Շահութահարկի գծով ծախս

Հազար դրամ

2022 թ. մարտի
3-ից մինչև 2022 թ.
դեկտեմբերի 31-ը
ընկած ժամանա-
կաշրջան

Ընթացիկ հարկ	230,108
Հետաձգված հարկ (տե՛ս ծանոթագրություն 5)	(44,468)
	<u>185,640</u>

Արդյունավետ հարկային դրույքաչափի համադրումը ներկայացված է ստորև.

Հազար դրամ

2022 թ. մարտի 3-ից մինչև 2022 թ. դեկտեմբերի 31-ը ընկած ժամանակաշրջան	Արդյունավետ հարկային դրույքաչափ (%)
Շահույթ մինչև հարկումը (համաձայն ՖՀՄՄ-ների)	816,643
Շահութահարկ՝ 18% դրույքաչափով	146,996 18.0
(Չհարկվող)/չնվազեցվող ծախսեր, գուտ	38,644 4.7
Շահութահարկի գծով ծախս	<u>185,640</u> <u>22.7</u>

16 Հետհաշվեկշռային իրադարձություններ

Ընկերությունը փոփոխություններ է կատարել հիմնական ծառայությունների մատուցման պայմանագրում, որի հիման վրա նախատեսվել է 2023 թվականի հունվարից հաշիվ-ապրանքագրի արժույթը ԱՄՆ դոլարից փոխարինել հայկական դրամով, ինչը ենթադրաբար կնվազեցնի Ընկերության համար արտարժույթային ռիսկը:

2023 թվականի մարտին Ընկերությունը հայաստանյան խոշոր ապահովագրողից գնել է ապահովագրական քաղաքականություն, որը ծածկում է ընդհանուր հանրային և գործատուի պարտավորությունը մինչև 1 մլն ԱՄՆ դոլարի չափով:

17 Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի, ինչպես նաև այլ ցուցանիշների վրա, ներառյալ ապագա ակնկալվող իրադարձությունները, որոնք տվյալ հանգամանքներում համարվում են ընդունելի:

17.1 Կարևոր հաշվապահական գնահատումներ

Ստորև ներկայացված են ղեկավարության կողմից Ընկերության հաշվապահական հաշվառման քաղաքականության կիրառման վերաբերյալ գնահատումներ, որոնք ամենաէական ազդեցությունն ունեն ֆինանսական հաշվետվությունների վրա:

Ծառայությունների և պայմանագրային հասույթի ճանաչում

Հաշվի առնելով, որ ծառայությունների մատուցից ստացվող հասույթը ճանաչվում է ժամանակի ընթացքում, հաշվետու ժամանակաշրջանում ճանաչված հասույթի գումարը կախված է պարտականությունների կատարումից: Ծառայությունից ստացվող հասույթի ճանաչումը նաև զգալի գնահատում է պահանջում արդեն իսկ կատարված, բայց դեռ չընդունված փոխհատուցվող ծախսերը որոշելիս:

Հետաձգված հարկային ակտիվների ճանաչում

Հետաձգված հարկային ակտիվների ճանաչման չափը հիմնված է ապագա հարկվող եկամտի առկայության հավանականության վրա, որի դիմաց կարող են օգտագործվել նվազեցվող ժամանակավոր տարբերությունները և հարկային վնասների փոխանցումը: Ի լրումն, էական դատողություն է պահանջվում հարկային միջավայրում ցանկացած իրավական կամ տնտեսական սահմանափակումների կամ անորոշությունների ազդեցությունը գնահատելու համար:

17.2 Ապագայի վերաբերյալ հիմնական ենթադրություններ

Ընկերությունը մատուցում է մասնագիտական ծառայություններ, ինչը ենթադրում է որոշակի հմտություններով կադրերի առկայություն: Հայաստանի Հանրապետությունում աշխատուժը սահմանափակ է, իսկ անհրաժեշտ հմտությունները ոչ միշտ են հասանելի: Արդյունքում, հաշվետու ժամանակաշրջանում Ընկերության աշխատակիցների մեծ մասը, ովքեր աշխատանքի են ընդունվել այդ ծառայությունները մատուցելու համար, Ռուսաստանի Դաշնությունից տեղափոխված անձինք են: Ներկայումս այդ մարդիկ հակված են տեղափոխվել այլ երկրներ հիմնականում կապակցված կողմեր հանդիսացող ընկերությունների շրջանակներում: Դեկավարությունն ունի առաջիկա երկու տարիների ռազմավարություն և առանձնացրել է Հայաստանում Ընկերության զարգացման երեք հնարավոր սցենարներ: Հաշվի առնելով, որ տեղափոխությունների մեծ մասը խմբի ներսում են, ղեկավարությունը եզրակացրել է, որ դա անընդհատության սպառնալիք չի ստեղծում:

18 Ֆինանսական գործիքներ

18.1 Հաշվապահական հաշվառման քաղաքականություններ

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3-ում:

18.2 Ֆինանսական գործիքների կատեգորիաները

Ֆինանսական ակտիվների և պարտավորությունների հաշվեկշռային արժեքները ըստ կատեգորիաների ներկայացված են ստորև.

Ֆինանսական ակտիվներ

Հազար դրամ

2022թ.
դեկտեմբերի
31-ի
դրությամբ

Անորտիզացված արժեք

Առևտրային և այլ դեբիտորական պարտքեր

3,277

Դրամական միջոցներ և դրանց համարժեքներ

1,205,814

Ընդամենը ֆինանսական ակտիվներ

1,209,091

Ֆինանսական պարտավորություններ

Հազար դրամ

2022թ.
դեկտեմբերի
31-ի
դրությամբ

Անորտիզացված արժեք

Կրեդիտորական պարտքեր չօգտագործված
արձակուրդային օրերի գծով

247,046

Առևտրային և այլ կրեդիտորական պարտքեր

293,584

Ընդամենը ֆինանսական պարտավորություններ

540,630

19 Ֆինանսական ռիսկի կառավարման ուղղություններ

Ֆինանսական գործիքների հետ կապված՝ Ընկերությունը ենթարկվում է գանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը:

Ընկերությունը եկամուտ ստանում է իր գործառնական արժույթից տարբեր այլ արժույթներով, հետևաբար ենթարկվում է արտարժույթի փոխարժեքային տատանումներից կախվածության ռիսկի:

Ընկերությունը չունի իրացվելիության ռիսկի էական ենթարկվածություն, քանի որ ունի զգալի անսահմանափակ դրամական միջոցներ, որոնք պարբերաբար համալրվում են իր գործառնականությունների արդյունքում:

Ֆինանսական ռիսկի գործոններ

ա) Շուկայական ռիսկ

Ֆինանսական գործիքների օգտագործման ընթացքում Ընկերությունը ենթարկվում է շուկայական ռիսկի, հատկապես՝ արտարժույթային ռիսկի, որը բխում է գործառնական գործունեությունից:

Արտարժույթային ռիսկ

Ընկերությունը եկամուտ ստանում է իր գործառնական արժույթից տարբեր այլ արժույթներով, հետևաբար ենթարկվում է արտարժույթի փոխարժեքային տատանումներից կախվածության ռիսկի:

Եթե հայկական դրամը ԱՄՆ դոլարի նկատմամբ ամրապնդվի (թուլանա) 10%-ով, ապա դա 108,209 հազար դրամի վնաս/(շահույթ) ազդեցություն կթողնի Ընկերության վրա:

բ) Պարտքային ռիսկ

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Հնկերությունը կարող է ֆինանսական կորուստներ կրել: Հնկերության պարտքային ռիսկն առաջանում է ֆինանսական ակտիվներից ներառյալ բանկերում պահվող դրամական միջոցները և դրանց համարժեքները և առևտրային և այլ դեբիտորական պարտքերը:

գ) Իրացվելիության ռիսկ

Իրացվելիության ռիսկն այն ռիսկն է, որ Հնկերությունն ի վիճակի չի լինի մարել իր պարտավորվածությունները:

Հնկերությունը վարում է իրացվելիության կառավարման քաղաքականություն՝ դրամարկղում և բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով: Բոլոր առևտրային կրեդիտորական պարտքերը կարճաժամկետ են և նախատեսվում է վճարել 12 ամսվա ընթացքում: Հաշվետու ժամանակաշրջանի վերջում Հնկերությունն ունեցել է բավականաչափ դրամական միջոցներ իրացվելիության ռիսկերը կառավարելու համար:

20 Պայմանականություններ

20.1 Ապահովագրություն

Հայաստանում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Հնկերությունը չունի ամբողջական ապահովագրական ծածկույթ իր ակտիվների և գործունեության ընդհատման համար, չունի նաև Հնկերության գույքի կամ գործառնությունների հետ կապված պատահարների հետևանքով գույքին կամ շրջակա միջավայրին հասցված վնասի գծով երրորդ կողմի նկատմամբ պարտավորությունների ապահովագրություն: Քանի դեռ Հնկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Հնկերության գործունեության և ֆինանսական վիճակի վրա:

20.2 Հարկեր

Հայաստանի Հանրապետության հարկային օրենսդրությունը հաճախակի ենթարկվում է փոփոխությունների, ինչը որոշ դեպքերում մեկնաբանությունների կարիք է առաջացնում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

21 Կապակցված կողմեր

Ընկերության կապակցված կողմերը ներառում են ծառայություն ստացողները, սեփականատերերը և ընդհանուր վերահսկողության տակ գտնվող անձինք, ինչպես նաև հիմնական ղեկավար անձնակազմը:

21.1 Վերահսկողություն

Ընկերությունը վերահսկվում է օտարերկրյա քաղաքացու կողմից, որին պատկանում է Ընկերության բաժնետոմսերի 100%:

21.2 Գործարքներ կապակցված կողմերի հետ

Հաշվետու տարվա ընթացքում Ընկերության և իր կապակցված կողմերի միջև իրականացվել են հետևյալ գործարքները, և հաշվետու ամսաթվի դրությամբ մնացորդները հետևյալն են:

Հազար դրամ	2022 թ. մարտի 3-ից մինչև 2022 թ. դեկտեմբերի 31-ը ընկած ժամանակաշրջան
Գործարքներ	
Հասույթ	8,436,733
Ստացված կանխավճարներ	8,982,203
Ծառայությունների ձեռքբերում	216,666
 Հազար դրամ	 2022թ. դեկտեմբերի 31-ի
Զմարված մնացորդներ	դրությամբ
Պայմանագրային ակտիվներ	237,355
Առևտրային կրեդիտորական պարտքեր	216,666
Ստացված կանխավճարներ	251,824

21.3 Գործարքներ ղեկավարության և նրանց անմիջական ազգականների հետ

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը, որը ներառված է «Աշխատանքի վարձատրության գծով ծախսեր» հոդվածում.

Հազար դրամ	2022 թ. մարտի 3-ից մինչև 2022 թ. դեկտեմբերի 31-ը ընկած ժամանակաշրջան
Աշխատավարձ և պարգևատրումներ	48,099
Չմարված մնացորդներ	2022թ. դեկտեմբերի 31-ի դրությամբ
Չօգտագործված արձակուրդային օրերի գծով պահուստ	3,086